

SCRIPT OF EVENING GOJRI NEWS BULLETIN 19FEB 2026

1700HRS

اوننگ گوجری نیوز بولیٹن 19 فروری 2026

یوہ آکاشوانی جموں بے نصرت تے عبیدالرحمان تیں خبر سنو۔

HEADLINES

- ۱۔ لیفٹیننٹ گورنر منوج سنہا نے اج ایک کتاب کشمیر نیٹویٹی ری گینڈ غو اجراء کیو تے کہیو کہ کشمیری پنڈتاں غی مکمل عزت تے وقار غے نال محفوظ طریقہ نال واپسی وزیر اعظم نریندر مودی غو عزم ہے۔
- ۲۔ حکومت نے ایوان نانہہ دسیو ہے کہ وادی کشمیر واسطے 4 نوی ریلوے لائنیں تجویز کی گئی ہیں اس ضمن مانہہ سروے کیو جارہیو ہے۔
- ۳۔ جموں کشمیر حکومت نے جے۔ کے۔ سیکرٹ بینک غی تحلیل غو عمل شروع کیو ہے۔ اس دوران جمع کنندگان غا مفادات غا تحفظ غی یقین دہانی کرائی گئی ہے۔
- ۴۔ مقامی اداراں مانہہ اوی۔ سی۔ کوٹہ غا تصور بارے جموں کشمیر حکومت نے ایوان نانہہ آگاہ کیو ہے۔
- ۵۔ جموں تیں نابالغ بچاں غی دیکھ ریکھ وستے بنایا گیا مکان تیں فرار ہون آلا مجرم غی تلاش مانہہ تیزی آئی گئی ہے اس سلسلہ مانہہ پوچھ تاجھ وستے 5 افراد نانہہ حراست مانہہ لیو گیو ہے۔

LG BOOK RELEASE

لیفٹیننٹ گورنر منوج سنہا نے اج جموں یونیورسٹی مانہہ پروفیسر اشوک کول غی لکھی کتاب کشمیر، نیٹویٹی ری گینڈ غی رونمائی کی۔ یاہ کتاب کشمیری پنڈتاں غی ہجرت ور روشنی کہلے تے اُن مشکل دناں غا خوف تے اپنا آبائی وطن تیں جدا ہون غا دیرپا اثرات نانہہ بیان کرے۔ اس موقع ور لیفٹیننٹ گورنر منوج سنہا نے کہیو کہ کشمیری پنڈتاں غی عزت تے مکمل تحفظ نال واپسی وزیر اعظم نریندر مودی غی حکومت غو عزم ہے۔ اُنہاں نے کہیو کہ 2019 تیں بعد جموں کشمیر مانہہ خاصی تبدیلی آئیں ہیں۔ اُنہاں نے مزید کہیو کہ، مخالف عناصر غی طرفوں عوام نانہہ گمراہ تے اُن غا مستقبل نانہہ تباہ کرن غی سازش وی ناکام ہو گئی ہیں۔ اس بارے مزید گل کرتا واں ایل جی موصوف، نے اس طرح کہیو۔۔۔۔۔

RLY PROJECTS

اج حکومت نے قانون ساز اسمبلی نانہہ اطلاع دتی کہ شمالی ریلوے، وادی کشمیر مانہہ چار نوی ریلوے لائنیں واسطے حتمی مقام غو دورو کر رنی ہے۔ حکومت نے یقین دوايو کہ منصوباں غی منظوری تیں بعد زمین غا مالکان نانہہ قانون غے مطابق معاوضو دتو جے غو۔ ممبر اسمبلی، جاوید حسن بیگ غی جانب تیں ریلوے توسیع تیں متعلق اسمبلی مانہہ پوچھیا گیا سوال غو جواب دیتا واں محکمہ ٹرانسپورٹ نے دسیو کہ مجوزہ نوی ریلوے لائنیں مانہہ بارہمولہ۔ اڑی، سوپور۔ کپواڑہ، اننت ناگ۔ بجنہاڑہ۔ پہلگام تے کاکہ پورہ۔ شوپیاں شامل ہے۔

حکومت نے مزید کہیو کہ ان مجوزہ لائن رستان ، متعلقہ ضلع انتظامیہ تیں مشاورت کرن تیں بعد طے کیا گیا ہیں۔

SCARD BANK LIQUIDATION

کاپریٹیو امور غا وزیر جاوید احمد ڈار نے اج ایوان نانہہ جانکاری دتی ہے کہ جموں کشمیر سٹیٹ کاپریٹیو ذراعت تے دیہی ترقی بینک لمٹنڈ جہیرو 1962 مانہہ جموں کشمیر کاپریٹیو سوسائٹی ایکٹ 1960 غے تحت قائم کیو گیو تھو بنکنگ ریگولیشن ایکٹ 1949 غے تحت اندراج شدہ نی ہے اس واسطے یوہ بینک آرہی۔آئی گا دائرہ اختیار مانہہ ی آتو، اس موقعہ ور وزیر موصوف نے جمع کنندگان غا مفاد تحفظ خاطر حکومت غا عزم غو اعتراف کیو وزیر موصوف نے یوہ بیان اراکین اسمبلی ڈاکٹر راجیو کمار بھگت وکرم رنداواوا سرجیت سنگھ سلاتھیہ تے وجے کمار غی طرفوں کیا گیا ایک مشترکہ سوال غا جواب مانہہ دتو۔

CBC WORKSHOP

مرکزی اطلاعاتی ادارہ پونچھ نے وزارت اطلاعات و نشریات بھارت غے تحت ایک روزہ معلوماتی تے بیدادی پروگرام منعقد کیو۔ یوہ پروگرام وی۔بی گرام جی ، پردھان منتری کوشل وکاس یوجنا تے قومی مویشی ترقی منصوبہ غا بارا مانہہ لوکان نانہہ جانکاری دین واسطے رکھیو گیو ہے۔ یوہ پروگرام گورنمنٹ آئی۔ٹی۔آئی سرنگوٹ مانہہ منعقد ہوو۔ اس مانہہ گورنمنٹ ڈگری کالج سرنگوٹ تے گورنمنٹ آئی۔ٹی۔آئی سرنگوٹ غا طلبہ تے عملہ سمیت کئی افراد نے شرکت کی۔ اس پروگرام غو مقصد سرکاری سکیمیاں غا بارا مانہہ عوام نانہہ آگاہ کرنو تے نوجوانان نانہہ روزگار تے ترقی غا مواقع تیں متعلق معلومات فراہم کرنو تھو۔

PROG ANN

آکاشوانی جموں غو علاقائی خبراں آلو شعبو 21 فروری 2026 نانہہ عالمی یوم مادری زبان غا موقع ور 30 منٹاں غو ایک خصوصی پروگرام نشر کرے غو۔ اس خصوصی نشریات غو موضوع وے غو، کثیر لسانی تعلیم ور نوجوانان غی آواز۔ یاه خصوصی نشریات 21 فروری 2026 نانہہ تہاڑی غا 12 بج غے 30 منٹ ور نشر کی جے غی۔ اس پروگرام مانہہ ماری مہمان وین غی پروفیسر وینا گپتا جہیڑی جموں یونیورسٹی غی سابقہ صدر شعبہ ڈگری ہیں وہ اس بارے اپنی قیمتی خیالات تے ماہرانہ رائے پیش کریں غی۔ اس پروگرام غے میزبانی کریں غی ماری انکر شروتی کھجوریہ۔ پیش ہے اس پروگرام غی ایک جھلک.....

OBC PANCHAYATS

جموں کشمیر حکومت نے اج ایوان نانہہ دسیو کہ پنچائیتاں تے شہری بلدیاتی اداراں ماہہ دیگر پسماندہ طبقات، او۔بی۔سی واسطے تخصاں غا بارا مانہہ اجیں توڑی کوئی حتمی فیصلو نی کیو گیو ہے۔ حالانکہ اس غو ذکر جموں کشمیر لوکل باڈی ترمیمی قانون ایکٹ 2024 مانہہ موجود ہے۔ جس نانہہ حال ہی مانہہ پارلیمنٹ نے منظور کیو ہے۔ ممبر اسمبلی، سنیل شرما غا سوال غو جواب دیتا وان حکومت نے کہیو کہ 2024 غا ترمیمی قانون غے تحت دیہی تے شہری بلدیاتی اداراں ،

دوان مانہ او بی سی واسطے تخصص غی کنجائش رکھی گئی ہے۔ حکومت نے مزید کہیو کہ او بی سی تخصص غا تناسب طے کرن واسطے ترے رکنی کمیشن قائم کی گئی ہے، جس غی سربراہی، سابق جسٹس جنک راج کو توال کر رہیا ہیں۔

JUVENILE HOME CASE

جموں غا آر ایس پورہ علاقہ تیں 2 پاکستانی افراد نال فرار ہویا ایک گینگسٹر غی تلاش خاطر تقریباً 5 مشکوک افراد نانہہ حراست مانہہ لیو گیو ہے تے ان تیں پوچھ تاچھ کی جارئی ہے آکاشوانی جموں غا نمائندہ نے خبر دتی ہے کہ یہ 5 افراد نا بالگ بچاں غی دیکھ ریکھ آلا کہر مانہہ موجود گینگسٹر نال لگاتار رابطہ مانہہ تھا تے ان نانہہ پوچھ تاچھ خاطر حراست مانہہ رکھیو گیو ہے واضع رہ کہ اس موقع غا وقوع پزیر ہون تیں 20 گھنٹاں غے اندر ہی منگلار غو دن اس واقع مانہہ ملوث 2 پاکستانی افراد نانہہ ہریانہ غا امبالہ ریلوے سٹیشن تیں گرفتار کرلیو گیو تھو یہ دونے افراد نیپال آئے پاسے جارہیا تھا اس ضمن مانہہ کرن جیت سنگھ عرف گگا جہیڑو جے آر ایس پورہ غا دلہیڑو غو رہائشی ہے وہ اس ویلے توڑی فرار ہے۔

DHINGRI CULTIVATION

ضلع ادھمپور مانہہ محکمہ زراعت غی طرفوں ڈنگری غی کاشت وستے دیہی خواتین مانہہ بیدادی پیدا کی گئی اس دوران خواتین نانہہ دیہی علاقوں غے نادر ذراعت غی صلاحیت بارے دسیو گیو مشروم ترقیاتی آفیسر ادھمپور ونود گپتا تے ان غی ٹیم نے اج ادھمپور غی ڈرونی پنچائیت مانہہ اپنی مدد آپ گروپ غی کئی خواتین نانہہ ڈنگری غی کاشت کرن غا طریقوں بارے جانکاری دتی اس سلسلہ مانہہ مزید جانکاری دیتا وان مشروم ترقیاتی آفیسر ادھمپور ونود گپتا نے اس طرح کہیو.....

DONATION REGULATION

ضلع انتظامیہ کشتواڑ نے ماہ رمضان 2026 غے دوران عطیہ جمع کرن غا عمل نانہہ منظم بنان واسطے سخت احکامات جاری کیا ہیں۔ ضلع مجسٹریٹ کشتواڑ پنکج کمار شرما نے، ہدایت جاری کی ہیں تانجے زکات تے صدقہ جیسی مقدس روایات نانہہ دھوکہ دہی تے غلط نمائندگی تیں محفوظ رکھیو جاسکے۔ نوا حکم غے مطابق معزز مزہبی شخصیات نانہہ باختیار بناویو گیو ہے، اس حکم غے تحت، کوئی وی فرد، غیر سرکاری تنظیم یا فلاحی ادارو ضلع مانہہ متعلقہ حکام تیں، پیشگی تحریری اجازت حاصل کیے بغیر، عطیو جمع نی کرسکتی۔ اس مانہہ خاص طور ور جامع مسجد کشتواڑ غی منظوری شامل ہے۔ اس فیصلہ غو خیر مقدم کرتا وان، جامع مسجد کشتواڑ غا امام نے اس طرح کہیو.....

WEATHER

محکمہ موسمیات نے اج کہیو کہ جموں کشمیر مانہہ 26 فروری توڑی موسم زیادہ تر خشک رہن غا امکان ہیں۔ تے اس دوران کسی وی قسم غی بارش تے برف باری غی کوئی پیشن گوئی ی ہے۔ محکمہ غے مطابق، پورا خطہ مانہہ مجموعی طور ور موسم پُر سکون رے غو، تاہم کجھ اچا پہاڑی علاقوں مانہہ ہلکی تیں

درمیانہ درجہ غی برف باری ہوسکے۔ محکمہ موسمیات نے آئندہ گل واسطے
کُجھ اُچا علاقاں مانہہ ہلکی برف باری ہون غی پیشن گوئی کی ہے۔ ان علاقاں گا
رہانشیاں تے افراد ناہہ بدایت دتی گئی ہیں کہ وے موسم متعلق تازہ جانکاری ور
نظر رکھیں۔ اس بارے مزید گل کرتا واں محکمہ موسمیات غا ڈائریکٹر مُختار احمد
نے مزید اس طرح کہیو۔-----
